

100



范文白公詩集續選卷之一



錢塘方九敘選  
清江熊達校



五言古體

昨夜書懷將行且書且賦因成十二韻

鉅海截上國危星轉清旻去來抵二極俛仰適周  
晨徃鵲無遺影潛魚有縱鱗勁風山葉碎濃露草  
根勻卓彼趙李輩鬱為唐宋臣忤恩非棄置知命  
有高屯妙句鏗金石荒臺蔓蒸新憑高重回首懷

古獨傷神記別玉堂夜來尋丹竈春常恐學仙侶  
亦猶避世民蓬萊雖異隲即此是通津

上牛頭石望海

人謂此石險我言茲境佳日兼山氣動雷與浪聲  
偕平浦煙浩渺高林雨參差游魚依碧澗飛鳥却  
丹崖飲濁逞孤坐乘危費亂排稍知舒磊隗初不  
近排諧玄圃知何許蓬萊在所懷將尋白雲侶高  
處結茅齋

重五日至西峽渡解后閩帥王侯盛稱山  
川之壯余謂可以為知矣亦復有賦渡近  
方山之下

繫馬西峽間朝曦射屋赤城中見方山江上成亂  
石緣流感重險攬勢得鉅敵不有歌詠懷徒困馳  
驟後因之竊歎歎美哉嘆息此尊醕清委任樂荔朱  
新摘紛龐異方俗卓犖同門客去々無久留薰風  
蕩南國

西岩夜宿懷雷州幕府同僚

月出萬籟靜岩宿紫烟深解后逢清景飄蕭澄素  
襟久辭蓬萊苑復憶嵩高岑掃雪待白鷓凌霄看  
翠禽如何較竒賞而此事幽尋雖負簡書畏還希  
金玉音迳暗泉移澗風疎星滿林願持千里意空  
外寫瑶琴

袁州謁韓祠已宜春臺晚眺

乘月泛修階凌晨訪崇臺層甍匝地起疊觀凌雲  
開時須炎夏首斗柄從南迴四周翠巘出六合清  
風來玉明猶日月憲令若風雷惠澤綠郊樹陳蹤  
蒼澗苔鼓鐘代寂寞輪軫路徘徊聞茲守郡者自  
昔何雄哉百鳥見孤鳳衆星嚴三台吏負鈞石寄  
法已豪分訣云胡答臨眺遠揖謝英才

過梅尉祠下

梅尉清萬古許今騰八埏能官不必高者迺其  
賢真材儲世用遺統或如蟬嘗疑說者謬何獨今

不然斯人并竈處往，在林泉還丹成可學但恐  
難為傳

七月初二夜洪州對月懷百丈親舍

初秋公府肅明月到南軒開懷納清輝林影類溪  
園偶得塵氣靜萬籟此中存物生感氣機候蟲噪  
四垣心虛無所入起坐復何言猶不如鴈飛逝  
抵高原

和廉將軍邨居二章

居止簡物競頗受歲月侵誠願輸崑崙遐舉遺浮  
沉時冬萬物斂野迴景載陰鳩鳴穡在場煙火村  
巷深兒女戲我前有酒聊自斟自斟何足貴得飲  
勝千金聖哲去已遠六籍傳其心受生敢不受發  
憤攄長吟

念世居難終忘世亦易度今日庭樹落空明見飛  
雨沉痾從誰解采草時自炷萬里無一歸願得妙  
者悟寥々宇宙間舍此復奚慕

夏日奉酌汪使君

浮雲無時停浮雲有時停：雲在何方乃值初雨  
星我亦毒炎伏歡言酒盈餅解帶斟酌之醉已萬  
慮輕飄三翼長風便欲東南征林壑蓋青天上與  
霞霧爭安徑得至此念之觸中情使君新詩來陳義  
富且精私慚應涉淺如畜不充籬已量頂進茲  
乃聖所營冰然內熱解始識道非名

冬至日

冬陰已解剝天運旋其初晨興理書策盼望周太  
虛纖雲無凝停旭景亦已舒未知太史家偵言復  
何如古來聖明世不必徵其餘和氣乃致祥斯語  
端不疏大田黍稻滋秋事在菑蓄誓將理歸櫟臨  
江卜吾廬

贈揭景哲茂才別

司揭本楚官子孫以官氏揭陽漢建侯氏寔出於  
史同源而異流三各昧其源泛舟在中河安得窮

崑崙驅馬燕山市路逢子揭子為我述其先本自  
司揭始及乎盱徙洪著與揭陽通以茲寃其源頻  
海而南東南東煙濤惡將身犯蛟鱗遠拜故侯墳  
遺蹤尚如昨歸來見翰林贈以隻南金集賢亦敬  
嘆高文留賞音二公天下士子亦庭階美胡不攬  
家氈黃朱耀閭里九萬扶搖風相看尚轉蓬高樓  
有橫笛送鴈上長空

鵲來巢

靈鵲空中至栖我庭樹枝樹高不尋丈下有弄丸  
兒朝騎庭樹府莫仰樹巢窺寄巢欲生子值此將  
烏為是以舍巢去拮据忍如遺青天覆上林何息  
非所宜物情非有異念亦願其危倘逢愛護者鵲  
有復來時鵲聲但報喜說似主人知

贈別白忻州

昔年上都門送君作太守今年太守來失喜狂欲  
走問知郡中治稱寃不容口疆欲對酒歌愁引杯

去手古來選郡監本為奸慝糾豈宜肆其私鍛鍊  
易妍醜幸逢賢執法白日雲霧剖快馬歸并汾且  
以慰慈母失身落州縣茲事無不有君子善奉持  
凡百淑爾後排難與解紛吾愧魯連友明年江之  
南得寄消息否

檢校菊吟

百花已爛熳雪雨更及晨疾風吹青空好日麗芳  
鄰自知園居僻少與繁會親編籬種黃菊元不計  
秋春昨朝新芽吐大葉已輪囷軒昂各有意未謂  
非其神故廬凌雲下若壤多荆榛孤芳久不見貫  
酒問遠人

雨後山莊圖

川容麗過雨百谷會新流溪路凌高轉佳木鳥鳴  
幽我田橫岫下黍稷歲可收不謂有生意乃復見  
將秋時從野老飲歡語載道周宇宙無終極此外  
更何求



肇慶李知事會別至峽上阻風因以懷李  
取別非云莫王事有程拘臨流逢執手復念野  
蹶季秋北風急遙引方艫出峽江始放迢波  
浪敷仰天覺形全俯地會心娛暫得珪組解  
樂與漁樵俱撫事悉解后迴翔且須吏滿秩  
不受更竟行諒非愚

詠古

五言在王國安所雕琢工肇及蘇李輩猶復相冲  
融往還離別者人情之所同正聲始微茫與世狎  
汙隆遂令天地產山川與雲風鬼神百物恠屈曲  
歸磨礱組繪麗群巧爭以為長椎雅道日以晦六  
義誰折中後無述作者仰止泣麟翁

感興

龍駕迴層霄陰衝伏照光聖人一萬歲有道過虞  
唐我與二三子群珮爭翱翔玉京陳義問金匱發  
冥藏春容麗藻繪晨色泫孤芳停思候物媚沉思

鬱難當願及西北風馳之通建章

止酒

大釣播群物壤，勞吾生得酒足痛飲何用身後  
名所以戒飲酒豈矯世俗情昨日足歡笑今日愁  
思盈多見桃李花亂語作棘荆反以飲召歡何以  
忘虧成靡穀漢詔切喪邦周誥明奚必宇宙內獨  
有屈子平

秋江釣月

秋江明似鏡月色靜更好之子罷琴來蘿迳初尚  
早衆峰更滅沒橫笛隔幽鳴我船爾櫂歌絲綸蕩  
浮藻潛魚却寒餌宿鴈起夜縞離離不可招白露  
下烟草高風洞庭士俊業渭川老同是釣魚人那  
應不同道把酒酬清輝如何答穹昊

晚登南樓眺烏石九仙方山諸峰

自來閩中郡僑寓公宇偏身病縻服餌單居日如  
年憲署歷三試愚庸寡所宣茲行臨辟道龜勉以

周旋日夕登高臺遙眺四山川山川亦云美宜與  
萬念捐慈幃隔江關稚子目娟娟連夜夢新堂嬉  
戲在我前祿食無寸補遠游何當還東風號陰澤  
此土候氣先草木相衰榮已復爭碧鮮思及方春  
時買船向邵延長歌蕩暄景吹笛玉臺烟行止飲  
聖訓義著良象篇此豈不在人虚心以勉旃

四月八日訪閩粵王無諸古城遂至蓮花  
峰下僧寺乃唐王審知祠

維夏氣清晏原藪樹龍蔥上弦適休暇游詠紫烟  
中石澗演新流山苗含惠風肥芋膚隱白崇榴葉  
張紅撫節驚代謝未歸憂心冲丞官甚政術但覺  
祿養豐旬稽困日月始得治游驄觀看職何補庶  
望俾至公遺丘隱莎草廢刹在空濛而况塵境事  
斯理固有終

數日毒熱喜雨適立秋先三日也

夏未始炎毒沉憂坐匡牀起行無所之登高睇遐

荒間昔西風歸飄，向何方往還不可期，賴得天  
道常聖主御大歷，故可稽明堂粲，白駱駝茲晨  
郊路長，念我伏遷次，江海葉再黃，旅懷抱焦火，思  
濯寒冰鄉，忽來浮倉雨，爽氣吹衣裳，稻田已就獲  
晚種待新秧，微驅亦易持，但願蒸黎康。

新雨塔除花藥倍，茂田里生意懷之欣然  
情至有述簡諸作

久旱埃霧集，閒居寡高情，微雨夜來至，滿庭花藥  
生長年，憂里閑退坐，若無營，偶携一榼酒，得喚故  
人傾，念彼毗隸，便勞生在耦耕，存饑苟不熟，何以  
供王程，幸天沛時澤，食息日已寧，善性衡門下，寒  
饑無足驚。

贈宣掾蒲瑛還靜虛山房

掃地謝塵鞅，坐誦聖賢書，妙年涉府署，復食猶休  
居，聞子進脩地，花藥羅齋廬，惟靜故能定，有容當  
在虛，而虛乃非空，養之貴安舒，苟能克至理，德業

將有餘子本西蜀珍西南散簪裾問知其方俗有  
苦輪華胥教化本自然匪學故有初况彼聲教敷  
封疆常晏如清秋武昌郊氣霧夕開除誰能不重  
別執事以踟躕

明月幾回滿

明月幾回滿待君未歸中庭步芳草蝴蝶上人  
衣誰念同袍者閒居與願違

七言古體

奉新縣樓對月望浮雲山李八百洞超然  
有懷

白露浥宵桂月滿浮雲山遙想山中人與我身俱  
閑少日曾陪供奉班流浪三千隨百蛮海水接天  
看不足却歸萬壑聽潺湲累土成岳諒非艱蚤服  
玄英勘太還金闕玉清名籍在不應猶自恋人間

錢舜峰畫馬歌

錢君畫人勝畫馬安得名驄妙天下青雲隱約見

龍紋有意軒昂駛華夏園官山立頡而髯朱衣黑  
帶高帽尖問渠掌握詎有此牽控寧知人女嫌君  
不見才士受束縛往々因之縱寥廓

題姑蘇丁氏一樂齋

人生開口日幾何一日所得亦已多請君為我酌  
美酒我當為君歌樂歌堂上仙翁紫錦袍堂中碩  
人冠差峩瑤池日遲眩五色椿樹春生交萬柯借  
問絲衣行者誰丁令家緒如絲蘿兄弟無故父母  
存此語未必慚鄒柯况昔知君在朝列贊教國胄  
懸瑤珂當時權倖悉故舊青紫可拾不肯阿扁舟  
一去江海遠事實由己非由他々人束縛我掉手  
此又一樂信所過要當高名日益昇使廉如華分  
如何歸掩茅齋坐清香松竹交蔭花成窠丈夫所  
就類如此劍絕即與浮雲摩聊題長歌送君去出  
門啞笑臨鷗波

贈彭生

自來西垣二月吉品裁良士無虛日上感天子大  
聖明下知朝政靡闕失耳聞目見心所然莫此名  
郡彭君賢辭官歸養終二親流水二十有四年古  
人作官計百世今人動作晦朔計赤面持籌舞銓  
吏哀哉賢愚同一致豈知彭生後時寵更二十年  
猶如至耕田足雨稻刺波種樹繞天花照地未知  
羲和多少事但願堯舜一萬歲千鍾有待亦人情  
尺璧無暇乃士貴四牡以之不為傷蓼莪以之不  
為廢王人若徵雅道闕清席朱弦倚三二美哉彭  
生淑慶源孝子亦在忠臣門幾人嘆嗟向穹昊下  
馬指點同臺村

張月梅子昂竹石圖歌

近來海內寫竹石集賢學士有李衍吳興翰林公  
更神大抵不令石作板半幅蕭蕭烟霧枝如卷中  
有千尺竒洞穴常起鬼神疑嵩華恒岱狎童兒金  
溪處士清似鶴携此隨秋訪幽壑我憶為公故僚

吏細撫遺書，淚落吁嗟。翰林今世無一筆，猶可重江湖。鳴鳳之下，出瑾瑜。高風况足勵頑夫。

朱鍊師洪厓丹并歌

城西山相鈎，連隔水照見。鬱藍天中有芙蓉，碧蘄然真人手持綠玉杖。瀛洲一去茫無邊，谷岩歷落挂飛斗。樓閣崔嵬凌紫烟，古松當道石作根。松下寒瀨縈潺湲，百花盡遶諸峯前。有神龍藏九淵，赤鱗蜿蜒過千尺。四海豐登長晏眠，堯舜在上位。佐翮皆惠宣，豈如秦漢王。燒丹學飛仙，白玉之牒黃金編。樓船美人去不旋，窮極耳目欲思比。喬松肩烏知清靜化，乃可與長年。

古杉行

丹陵觀有古杉，屹如雙闕當雲門。云是鍾君之手植，君去此樹餘空村。尾搖翡翠梢，八表根結蛇蛟行。九原幽邊豈無鬼神護，深處直形天地恩。一方拆裂刷穿溜，猶是百年燒火痕。蒼皮樹裏漸欲合。



始知草木有道存或云下有丹火伏四時地底皆  
春溫神還復壯此其驗疑是自此無傳嗟平生政  
坐耆竒古來看適值寒冬昏長歌沉思逸其下夜  
半月高松露繁飄搖葉縣鳧鳥影牢落豐城龍劍  
魂何當喚起博物者共騎黃鵠凌崑崙

首陽山圖

山漠々兮谷逶迤中有二士形容饑問之不答告  
者誰在昔父死人致國弟讓兄辭俱去之一朝隱  
居北海北去亂就治歸人師遇世偶有戰伐事叩  
馬垂血陳愧辭君王知名臣義直々不退聽將疑  
為見兵不果事乃定耻食其粟隱於斯終然餓死  
茲山下到今稱頌猶當時白旄黃鉞不可追功業  
甚盛德甚衰救民水火事誠危三綱一失誰扶持  
是以聖人表其怨謂彼仁者良由茲首陽之墳高  
幾尺自古富貴埋沒野草空累々我欲酌北斗薦  
以黃金卮展圖涕漣漣而此意畫者宜不知

贈余相師

幽人本自居丘壑，誤上青天養黃鶴。長教四海不  
知歸，幾見珠玄雜花落。厭原山下遇余君，語余世  
事徒紛々。書眼猶如牖中日，宦情正似嶺頭雲。

二韓詩為韓吏部作

太行青雲城上頭，城下亂水亦東流。誰家烟中楊  
柳樹，鳴鳥一似黃栗留。是時東風蕩瀛洲，瀛洲冠  
帶集英游。有客抱琴來海岳，罷彈而我誇韓侯。韓

侯家慶邦晉，始異代。花風尚能耳九十，丈人住丹  
丘。猶子類翁々，類子一門兩世百八十。更問千年

今有幾，余係生子々。生孫錦衣爛，照晴空裏我。向

瑤臺聽洞簫，靈風浩蕩迷宮微。桂枝翠弄月光寒，

一時秋滿芙蓉水。神仙中人無俗賈，說似青天々。

為喜往年初識吏，陪君吏陪部有子才絕群。與我同

僚內，相府給事朝夕均勞動。是則知君莫如我，作

歌盛德况所欣。皇都二月花紛々，美酒斗倍錢萬

文把酒欲醉春日曛為君却日呼流雲此歌此事  
今罕聞

題冷架閣脩原圖

曾泛修江入海昏更數百里緣人村道至常州  
夕猶未遂得窮河源山人世：原上任示我畫  
圖照秀句安得移家向碧峰釣磯長倚沙頭樹

贈別清夫還吳

新雨不作泥鉤輶樹上啼征夫懷遠路家在太湖  
西別家今幾度楊柳江邊樹念鄉車輪下漸是中  
年路萬事中年尚可期人生且莫長別離長別離  
向何方九江落花清浦香王睢班：鳧乳黃南望  
不見三高堂奈何游子思故鄉我家諸公濟時早  
功成身退合天道當時未必知者賢挽不迴之外  
烟島後來閱盡虧成事始識從之去時好我不能  
赤手縛虹霓又不能委身同草木生逢堯舜世肯  
受泥塗辱昨者誤奮龍門雷蠓蚋朝之自云足憂

來舉觴酌白日惟有皇天照空谷張公子吳江生  
我有千載意不羨身後名為君寫作贈行曲：中  
鑑憂難為明君行不聽我意平明日買船擢秋聲  
亦欲東下窺蓬瀛飄然此去白玉京須卿禹穴來  
相迎相迎未見須相待客行雖遲心未改

元城行

元城郭使君愛母不違養刻木貌慈母去官西山  
濱上堂示甘旨下堂候寒溫人見使君孝作書細  
討論我論使君政亦由孝所敷虞周雖已遠此道  
今幸存嗟乎使君天壤何茫：此道誰與期天雖  
高孝心本自達天德地雖厚孝心當有徹地時何  
必邦人子弟能化之致之家國天下皆爾為秋風  
吹庭樹：葉秋如雨秋樹則有枯烏生長顧雖

范文白公詩集續選卷之一

五言律詩

黃州道中

逕轉山仍掩沙移圃自成蕪葭連水白楊柳蔭門  
青無復論餘事真堪了此生眼中陳仲子九鼎一  
毫輕

贈孫秀才

四海孫思邈雲仍復盛名白駒空谷遠黃鶴大江

子去何瀟洒人知盡老成特來客貴近次第取  
公卿

舍前龍骨樹

鳴夷籬落見誰種此江津結榦多于葉成陰迥不  
塵取材因惡刻感事撫長身安得艱難際相從作  
四隣

壬戌秋錄因晚行寧州道中追錄

曉發高平鎮前旌路未分小橋煙外過流水月中  
聞虎豹宜多隱豺狼不可群居人敵炎暑報有竹  
連雲

數日跋涉泥淖至北山始暮經鄱陽湖

川路遶長林歲窮千里心賈舟栖港近樵火出村  
深欲雪應消瘴因風忽解陰轉移足清景難受客  
愁侵

寄謝董簡卿

高人北斗下遂與世情疎悵望九霄鶴携持千里

魚風雲今邇只泉石後何如詔讀須中密無疑未  
見書

步畦

白髮榮中將清晨步菜畦祇言無所事寧復有相  
携日靜聞禽語泥融散馬蹄讀書不解俗猶自負

幽栖

秋雨寓舍酌答夏編脩三首

左丞京宅下太平貯蛩螢容曳栖烏地披爭卧鹿  
場幾時衣定暑昨夜酒生涼大息時人語依稀不

可庄

平生談笑口未是向人慳直以朋友內難為伯仲  
間陳君元下榻賀老自懷山見謂前脩事因之一

破顏

倚巖推許遜負水揖文簫萬里初隣並長年此寂  
寥不要麟閣畫虛累鶴書招同是西江客君當結

夢樵

三月十一日遣家人還舍奉侍值雨十四

日值晴作

具船聞解纜  
想象係朝昏  
到日初收雨  
沿流定達村  
初生南澗藻  
好近北堂萱  
載感飄零意  
清江是故園

題山居圖

平湖含白水  
斷岸見青林  
籬落初秋氣  
雲山向夕陰  
養閒祇用拙  
避俗更懷深  
為問舟中客  
何時澤

畔吟

社前七日作

久早春始雪  
社寒猶未妨  
沈：鶯待木語  
：燕歸梁靜  
想親交絕儀  
求旅處臧  
以身觀萬物  
應繫末輝光

奉訊浦編脩

聞君踐馬厄  
詩賦日應多  
但倚文為命  
烏知病是魔  
蒲萄深巷雨  
莖蒿遠湖波  
未始無相憶  
經過奈



禮何

送譚殷卿歸徽州

送君從此發何日到徽城以是夕螢亂况堪秋鴈  
鳴行藏無定策仕養最閑情見誦覃懷守名家舊  
有聲

晚過孔奉常舍下

滄江一萬里書信近如何向暮客懷薄及秋鄉夢  
多故人相慰藉並舍數經過但願長無事彤庭接  
珮珂

悼遠用友人韻

采江莫采蘋思食莫思蓴間歲曾為客經時獨夢  
人林園花動夕帷帳草留春萬里燕山暮空懷涕  
泗頻

贈別李教授亭赴五羊先往餘饒覲省

行色動西風鄉心去任同諸峯五嶺外之子大江  
東且羨還家鶴無愁度海鴻若逢天上使書記莫

匆

十二月五日雪答傅淵道

薊門臘月雪初似楚南寒祗悅年光盛寧愁旅宿  
單濡毫思謝眺掩戶憶袁安昨暮瀛洲暑應當策

馬看

和二章已而徵者適至戲用韻為再疊云  
久客歲云暮悠々念異邦病因詩整愈愁為酒先  
降屋隱踈篁半城依老樹嗟晨朝有好鳥命我隔

東窻

頗恠君家使徵求太迫人從知心匠若况後物華  
新輟夢天開夜思歸水墅春縱無青玉案寄贈莫  
辭頻

用韻報李宗明

李侯持重器隱若一雄邦敵至嬰城守威行走傳  
降薰絃須知五古劍肯埋獲見說研朱地車聲繞  
碧窻

古來輦轂下不畜隱淪人况有龍門舊寧無獸錦  
新江山改如畫松栢自宜春可是東城曲過從步  
屨頻

三月二十三日雨中示諸生

後園僧寺裏聞有蜀葵花好趁今朝雨移來向我  
家編籬雖待菊引蔓盍藏瓜總在經營力秋成莫  
浪誇

贈答吳二奉禮

新詩走風雨感謝老兵來藥圃昏長樹柴門靜古  
苔妬晴鳩狎喚怯冷燕頻回解說銷愁事何由斷  
酒杯

山壽生日

見爾開三歲堪余謝一官常憐為子重更念報君  
難曷日勝裘馬子天學鳳鸞終當慰老眼空濶萬  
人看

九月二十八日濟上作

昨日立冬雨內河中夜雷晨興猶未定震懼忽如  
摧衰柳並寒在早梅何處開饑年方禁釀不飲稱  
無才

快閣延望

快閣延江望清尊息坐彈風鷄猶戒曙雪鴈每辭  
寒莫使晨歌廢聊思飽食安百年會有故終不愧  
儒冠

題秋山圖

我愛秋景好自緣秋氣清江空石露骨木落風無  
聲偶向畫中見猶如雲外行祗疑豺與虎無地得  
縱橫

康太監善慶堂

大府聲名舊京華有此堂棟梁深盡制花竹淨分  
行世美尤當濟名身賴必揚自公常退食把易細  
焚香

發橫浦之永淳縣

急棹開辰漲孤尊已夕陽水光排峽靜洲勢背城  
長太史才無敵將軍義不忘感傷今歲月淹泊愧  
滄浪

晚至沙塘

風雨病妻涉煙山知幾重平湖看近服大邑艾遺  
封受粟常慚吏看花正閱農周原已徧度明旦復  
何從

古木

誰擘蒼烟破依稀露老龍偶違風雨會遂感雪霜  
蹤飛動闋元氣沉潛見物宗何階韋偃伎千歲此  
相逢

寄宿維揚驛寄懷王儀伯

水墅見明月適隨歸棹圓故人在郡國今夜隔風  
烟何日徵河內常時誦隱川經過因念此書信賴  
流傳

題靖節徵士歸來圖

維公楚杞梓作令晉衣冠得志但恐暮濟時非所  
難古今絃韻寡歲月酒杯寬渺々山中去深々畫  
裏看

題吳生雨吟圖還寄清江皮野

江雨四時昏故人家遠村如何一見面還有兩忘  
言老樹經蛟淚空花斷鴈魂由來前日畫妙手出  
吳門

病中

世故只如此予生今若何不憂新食少但喜好詩  
多野鶴未濠上山猿落澗阿平時朝夕者經歲不  
吾過

哀文集賢時奉使南海道并

瘴海距天關道踰千萬山空傳靈雨送不見使星  
還旌飾青楓暗樓臺白水間郡人唯我最遠客泪  
潺々

贈葛推官

五罰從容至群生阨塞多但無為己甚勿問達如  
何早讀于公戒終傳召父歌故人風雨節為我數  
經過

張別駕山居產玉芝

高秋別駕宅異草吐竒芬為爾掇白雪服之乘紫  
雲但恐仙靈物長遮虎豹群待人棄間事先報赤  
松君

贈別李全

士以才名重君猶梗槩先間閔百年道浩蕩九春  
天不為歌彈缺還尋與酒錢古來自如此相問澗  
西田

晚興

古寺山重掩平田縣對門鷓鴣藏白晝蟋蟀破黃  
昏具賈多通市諸偷每近村殷勤省風俗慷慨動  
心魂

澄邁縣有蘇內翰所題通潮閣在海上

候館駐征騎西風獨夜清  
開門聞葉落倚杖看潮  
生有禮齊蠻俗無歌學楚聲  
淒涼蘇季子行處足  
高名

將行值暴漲

雨發蠻山漲來從五指原  
風橋初沒馬到縣已侵  
門甚欲乘槎去還思棄佩言  
輕身犯南斗信有北  
溪

晨至西郊池亭見新荷有感時物而作

虛亭結構美驛路帶垣斜  
山薌含晚翠池響集春  
蛙官荷已偃蓋僧蔬欲架花  
俛仰賓從役孰與測  
幽遐

庭草

為愛庭中草經春坐不除  
澄心皆淨域履道即安  
居海氣含樓閣年光映簿書  
昔人傷廢事作吏竟  
何如

昨游



昨游居士澗春入羽人丘面；山相引年；水自流  
乾坤獲蠟屐江海一渙身知我能來否啼鶯去  
復留

雪觀雨後對薛老峯

高閣飛雨過新京連海隅竹溪漁板集松寺鶴巢  
孤吏隱非兼得登臨適自娛盛名蘇季子猶是老  
征夫

京下思歸

黃落薊門秋飄；在遠游不眠聞戍鼓多病憶歸  
舟甘雨從昏過繁星達曙流鄉逢徐孺子萬口薄  
南州

次韻曾五判官

磊落將軍石周游太史遷世人寧見爾我輩故超  
然膽急投豺地神銷過鵠天祗今誰可語壯志必  
同年

送施處士還東溪

東溪子故物歸去一身輕  
樹曉雛鶯坐沙晴乳鹿  
行乘舟不盡典罷釣忽忘名  
憶我南山下蘼蕪繞  
舍生

期出東郊不果却率便河  
開橋詣張道人  
菴尋故舊作

却欲東郊去還尋北渚來  
江翻垂水動風過雜花  
迴馗道迷朱轂虛空見紫臺  
世氛渾不奈憶得是  
蓬萊

和李溉之園居集詠

都無京國意滿眼舊生涯  
壁隱磴硿水氈豕婀娜  
花善隣垣故闢爰客酒能賒  
皦荒途子音期只  
爾遐

偶從畊鑿事便有古人風  
井瀉千畦碧林然獨杏  
紅世情何近遠宦秩自卑崇  
任道流行意雩壇或  
與同

磊落人間士名成定不虛  
願陳元有策交薦可無

書莫遣從師若因將作吏疏吾徒豈念此媿盡馬  
相如

丹柰花初結朱櫻子半成寢興因物變筋力與年  
增燕拂承塵去蜂隨曳杖行玉泉幾千仞好在翠  
如傾

種瓠二首

或言種瓠蔓長必翦其標乃寔予齋所  
種因樹為架蔓綠不已果多虛花欲去  
之慮傷其凌霄之意因賦五言為之解  
嘲云

豈是階庭物支離亦自竒  
已殊凡草蔓綴得好花  
枝帶雨寧無寔凌霄必有為  
啾：群鳥鵲從汝踏  
多時

秋後瓠果成一寔輪困可愛余嘉其晚成  
而不群答賦云

嘉瓠吾所愛孤高更可人不虛  
種植意終繫發生

神有葉誠藏用無容豈識真明年應見汝衆子亦  
輪囷

戲簡孔太祝

人間最好日祇在菊前花頗怪來今雨相看語後天  
門階銷俗客冠佩切飛仙願約秋風任長年泛酒  
船

寄李彥謙御

古燕城下路柳樹落西枝每到重來處長憐欲別  
時鶻飛平照急鷗集遠烟遲此去秦州什應須寄  
我知

寒齋對雨書懷

冬暖久不雪天分雨破顏依稀才洒戶慘淡欲連  
山垣屋重：密壺尊獨：慳烏知魏闕士隱與吏  
相關

客至

客至冠纓好殊非舊友生曉晴霜太重冬暖日偏

明覺我肌膚弱興言感慨并子雲工賦述切莫論  
公卿

詠梅和陳城南

我亦吳頭客年々念遠梅孤根元自植冷蕊為誰  
開因覩城南詠深思嶺表來北人盆裏看應不近  
蒼苔

守歲詠懷次韻

大年在今夕旅爵記前除時序無間事江湖少定  
居燭花分坐委漏箭落城踈底復窮廬嘆人生各  
有初

送貢仲寔還江西

送行何太頻日々見行人又復風霜節相違旅病  
身浮名非甚急遠意獨難信念子閑勞苦題詩莫  
待春

題友人山居

游居展靜好盡日有高情竹下流泉過花間時鳥

鳴因人問葉裘要我罷琴迎本自無知者山林頗  
近名

游招提

勝地相從日應無俗客縱春花濃夾騎畫樹靜藏  
鐘妙理端深得佳游亦漫逢憐渠絲與竹舫上見  
西峰

送白湛作尉金溪

離思已無極尊前况夕曛閉門六月雨行車萬重  
雲遠祿年雖壯名家代不群縣人迎主簿應似太  
浮君

離席合賦贈南劍教授盛後之官

盛君海江士直氣軋霄崢翻為詩書若烏初印綬  
榮度遼曾萬里走越更千城便是未難得鄉關近  
慰情

江浦見黃鸝石榴花滿枝欲攀猶屢惜已去復何  
疑蚤畏紅英亂還當絳帳移驛程動易隔留待寄

相思

娟：沙尾鶴毛羽映江鮮  
去住長如此飛鳴豈偶  
然仙家應汗漫侯泮莫留連  
憶得東門事項君正  
壯年

碧草津頭郡雖偏是勝遊  
野人頻識劍稚子亦能  
舟稍定傳衣怪聊資宦秩  
周南未記風物有待細  
詢求

杯酒莫停手路長思八閩  
精靈深狎客瘴霧莫侵  
人海近漁船集山空鳥道  
鄰來京書一束賴爾老  
隨身

黃帽催辰發郵籤報旅程  
朔風斜帽舉虛日亂弦  
鳴異俗從誰變真才不自  
成倘于高第內歲久得  
歐生

范文白公詩集續選卷之二

七言律詩

晚經皮使君江居不見賦簡

憶得去年尋藥圃甚憐此日負花時  
擘舟况說看鐙及叩閣應煩把酒思  
浩古  
今奚我獨悠江  
海  
茫吾師西墻倘遂殘年願  
來往風流或可期

贈熊文學

江東闕閱冠群倫多士如君復幾人  
庠序絃歌時



雨潤廟堂俎豆德風淳嘗因矯舉思鴻鵠何幸昇  
平覩鳳麟黃葉薊門寒色早佇看天上紫泥新

送馬掾遷湖南

聞君暫與故交違去逐西風落葉飛看劍未成今  
夕會擎舟定復幾時歸雲開帝子黃陵廟月過將  
軍赤壁磯事業還須各努力收名即用繡為衣

八月二十日晚試院得雨次時作

彤庭下詔簡賢良大府新開藝戰場一道風雷嚴  
號令九霄星斗煥文章求才正合隆天爵發策應  
當急歲荒昨夜雨聲傳數點爭燒銀燭待新涼

贈李宣使

故園雲卧四三年府署依然念子賢莫為馳驅傷  
遠道但將忠孝感皇天湖南政譽聞爭薦日下絲  
綸近近傳為報津頭黃菊藥明當照我上江船

秋日集詠奉和潘李二使君浦編修諸公

將身跳出市間壺美賈由來不用沽大地騎鵬須

共化中宵上鶴倩誰扶庶幾未老長簪去尚可長  
生折簡呼此輩終非塵土物明朝種橘學諸蘇  
浮世有由虛尺寸明時無伎答涓埃偶隨青瑣須  
高步欲綴丹書甚寡才斷壁雲過溪笛逝虛林映  
雨寺鐘未幾年間却持鰲手強為清秋送酒盃  
奉同陳應奉訪友人不遇

翰林小暇出西城京國餘秋晚更明鷗度折磯心  
已熟馬逢危石眼偏生疾風稍定樓臺色微照猶  
含鼓角聲會合何因得惆悵潛夫祗媿未潛名

休日出郊

上方鐘鼓晝依稀出定諸僧綰法衣迎客猶能下  
殿走訪人更有待尋歸禿鷲近水行仍啄危燕當  
梁乳更飛自右旅懷當慰藉並游萬事莫相違

贈余使君致仕還江東

九華山下女蘿藂使者旌旗發粵中昔至本膺丹  
詔重今歸唯頌白頭公百年自喜行藏定千里何

當語笑同門口侍船應有待大江西即大江東

焚樓鎮志曰漢大將焚船處也今為文昌

縣懷古奉簡邑文學

龍節過去不歸漢家將軍建國威當時曾見樓  
櫓集異代空聞塵土飛風壓春潮吞亂嶼岸分古  
木轉斜暉旁人猶解祠神女何故功臣廟貌稀

立春日

今辰春節喜新晴况是山堂此日成畦菜撥餘傳  
葉美逗桃留在著花明雲開葛井蛟龍動雪盡蕭  
岩鶴鶴鳴失喜浪傳京邑信未聞隣舍識高情

寄題何處士竹閣

吳漢仙翁丹井西君家高閣俯清溪冷：脩竹鶯  
時到井：空烟鶴晝啼解帶欲圍蒼雪遠敲門待  
看綠陰齊何當試答登臨願繫馬宅前楊柳枝

屈原廟前觀雨：止渡口觀魚

年來倏去峰前雨半落未開沙際花春遠客懷淹

燕雀年荒民命假魚鰕徒聞黃霸能為郡豈識張  
騫苦泛查早謂仙人無世慮山深往：飯胡麻

送毛鍊師奉祠禮成還京

仙官持節下青冥海瀆嚴祠衛百靈行為治平循  
禹服禮從裡祀想虞廷東風到處隨神雨南極歸  
來奏壽星致福要當宣室問鶴書先報白雲扃

龜潭塔

征夫魚貫涉秋澹樹底照見石磷：板緣唯有千  
古意搖落獨如三月春天青過澗嶺飲子日晏噪  
林鷄警人七曲權歌誰按得他年重問塔頭津

題秋江釣月圖

舊識先生隱者流偶因圖畫想滄洲斷雲滿路碧  
窓晚明月何年青嶂秋世故風塵隻短笈生涯天  
地一扁舟何由白石空磯畔招得人間萬戶侯

寄上甘肅吳右丞

要使唐虞化遠覃玉門關下屈征驂多憂總為民

心若有喜唯聞郡姓甘日晚邊沙黃澆二天晴隴  
樹碧瑤二國風不繫秦州外自此西人識召南  
歷數先朝輔弼賢如公孰可語同年二童一馬臨  
荒鎮百感千憂倚上天深厚已聞鳶詔趣平安不  
用鴈書傳別來濯二春城柳誰信秋風慰目前

山齋

山齋朝雨竹光勻茶竈催添石火新對語黃鸝真  
不俗飛來白鷺淨無隣辭榮豈敢要時論賞靜猶  
應愧古人報道林河春漲起少須重理舊絲綸  
幽栖自是少經過葉裹書囊奈癖何仙井朝來雲  
氣重洞房夜盡雨聲多江湖耆舊深思憶臺觀風  
威尚琢磨自爾索居增固陋負苓誰問首陽阿

送陳從事歸江東

長年京下送人歸初及扁舟指翠微豈意遂聞鴻  
鵠操却須同製菱荷衣清江碧樹重二見紫燕黃  
鸝處二飛如此交游二三輩何因中歲每相違

吳儂呼劍每通神鑄作由來極苦辛天下縱無增  
價士夜中須有識光人即今况躡青雲地何日重  
翻紫陌塵令弟西街清顯甚定應攜手接星辰  
傳之經歷謁告還湘中未語別而宵征翌

日與僚友追送生居亭中

美人歸思落滄波昨者論心肯重過寒盡極知春  
意在夜深無奈月明何海隅雖暫違霜幕天上應  
須接玉珂如此才賢移病去瘴烟端的為誰多

北風盡日破南溟行客經年倚壽星子有全家依  
翠岳我猶萬里隔青冥山田鹿下投書去水館猿  
啼却坐聽王事馳驅知有素何由重見此郵亭

和柳提學贈危太樸

伐木丁丁秋滿山詩筒忽到與開顏當時有客諳  
花洞此地經年上竹闌絕域尚懷身倚劍深居曾  
夢手持環文章政類龍多變識察能通豹幾斑

贈王文學

法樂洞天曾一游君家聞在水西頭石潭密映藤  
蘿月山葉深藏虎豹秋豈意吳城祠下路共尋楊  
子岸邊舟曾中富有天官學莫為東南久滯留

次韻送人之五羊

豫章遠接五羊城白鳥飛邊道路明昔我乘桴游  
汗漫今君攬轡度崢嶸湖垓夕下潮聲轉斗角寒  
深寶氣橫總為觀風揚職業有詩才不負茲行

七月一日度毛竹山

毛竹山高風物幽夜宿白雲新雨收沿溪而上鐘  
鼓導自昔以來仙聖游久知地迥飛猿點新喜天  
空鳴鳥稠折險縈危盡吾力此行聊不負 秋

曾教授趨韶州

荔子紅邊五月初廣文去任定何如報恩豈變將  
軍馬治盜聊迂太守車多近藤蘿安吏舍少憑椒  
葛附音書到官定有佳聲薦瘴雨蛮烟細袞除

獲鹿西郊在樵舍下十里鹿脫井走山麓

余驅騎者踣之以縛自隨時藩兵方燎原  
靡得觀者傳訝

獵人大火布江磯準備平章旦出圍塵鹿齊看赤  
手獲鷲鷹猶旁碧雲飛吻三尚想山居縱麋三寧  
忘野食肥天上神仙不得力心安束縛從吾歸

靖海縣

海縣春深沙氣暄居人生事不離村上梯取芥料  
桑尾袖櫬移舟繫柳根已過清明遠帝里不妨紅  
白徧江園持盃試與酬風物深媿樊遲學圃言

百丈春日紀懷二首

東風久不到新堂生意雖微未卒荒草上葫萸偏  
挺持花間蘆葍故高長時來豈盡栽培力物化須  
知長養方葵藿有心終莫奪每聞支笏照滄浪  
飛三燕子守繩樞愛爾由來似鳳雛肯謂撩人嗔  
坐對向曾去我憶巢孤塗泥須責經營若瓜嘴無  
供啄哺娛春社風光時有再天生品彙各應殊



太樸緘至君靜清詩讀之尉快斯文凋弊  
之餘安得見二桀然者敬嘆敬嘆一詩寄  
謝并簡君瑞要知於二賢傾倒之至也

元豐宗匠是吾師幽憂江湖每見之在昔才名真  
蓋代祗今子弟好能詩六經更待黃麻擬嗟劍終  
因紫氣知衰疾連秋猶長物扁舟未到謝相思

吊張鍊師

名家接武依丹陛壯歲招魂入翠微遂使老聃成  
自吊不知丁令竟何歸蛇蟬豈戀尋山蛻雞犬曾  
聞挾日飛獨有皇恩無以報昨傳天語慰松扉

李原李翁

魯國先生九十餘百年消息定何如世情看作東  
流水天地留恩下澤車隴西供奉豈無酒河上文  
人空有書見說鄉隣問何事扣門語及莫鐘初

寄題集賢周司直悠然閣

番陽東下萬山圍魁閣崢嶸面翠微雲接大荒迴

古色波涵落木動晴暉宦情靜與游魚逝詩思長  
隨夕鳥飛久待倚闌成獨酌癡兒了事各須歸

自我府出還珠門晚歸辭舍

光迎署府千花樹秀入河橋萬柳梢春日樓臺圍  
翠嶽夜晴鐙火接青郊昇平舊俗今猶在浩蕩流  
年又過交董奉接官何處宅相依願與結衡茅

閩山神光寺西屋上觀唐李陽冰篆二為  
山僧架屋掩所壞居始二十二字云

城西有寺忽如林伏地印霄苔蘚侵古人題字看  
欲徧今我杖藜來相尋潛蛟在壑不多見飛鳥過  
岩時一吟斫破荒祠山鬼怪祗饒游覽重千金

游南澗寺：乃唐節度使王審知所建

閩山東面啟松門梯石層：見梵尊題表尚存唐  
節鎮地圖渾似洛林園亭因聚遠開幽迳棧至臨  
危出小軒最是躋攀宜健步病身無羽亦飛騫

伏覩中書以內郡饑徧行拯拯新令感激

有作

江南往歲旱連州河北今年水逆流恭體朝廷寬  
大意少紓田里散離憂表章有道誠長策衣食無  
功本拙謀國制由來重農畝太平政不在他求

憲司獲榕輪囷數十圍其莖數畝雨止觀

白鷺

榕樹庭中翠欲曛飛來白鷺動如雲每當彈射思  
傷物忽到衰細感離群護子烏鴉來辟易附人鶴  
鵲漫繽紛要知得失都何與含育無由報聖君

歸思

陶公歸思定如何山郭春風長薜蘿直道當官唯  
任拙庸才負祿祗慚多江山寔自辭家隔日月虛  
隨閉戶過點三飛鴻向天未憂端不類澤中歌

到官

陶公到官八十日今我到官踰半朞勸農省俗了  
無補暖衣飽食將何為常思在山深虎豹幾曾當

道假狐狸英雄見義尤饑渴可使文人有愧辭

風止聞鵲

荒山遠水放輕舸頓雨顛風戒弊袍五六月餘鄉  
問絕二千里外客心勞樹間鳥鵲聲頻好天上麒  
麟格自高獨有武夷看未了野人寄語壓香醪

奉觀郊廟禮成簡曹禮部元用

西山半壁影鈎陳晴雪新消路馬塵兩歲通行三  
大禮千官中稱一閑身伊臯事業何當下管樂才  
名不用真遙憶南宮舊詞伯退歌清廟屬生民

和馬貢士元夕同觀鐙之作

已戒金吾夜不譁西山又被雪微遮饑年禁釀知  
誰力到處看鐙似我家旅夢比嘗經赤甲病身尤  
欲恋黃芽雲端此日烟霏暖遙想仙人立露華

調馬君

平時有酒不解醉愁至方知酒道尊一萬里程兼  
雪霰三千年事隔朝昏何因洗盞花間嶼更與停

鞭柳下墩寄語東隣馬貢士  
今晨琴筑好溫存  
張留公母

山風遙引紫雲車  
樓閣春深阿母家  
更五十周重  
甲子後三千歲  
一桃華綵衣  
故綰封留印  
白璧新  
隨蜀使  
查見說麻姑  
舊行處  
至今源上有丹砂

奉和王繼學懷濟南舊遊

每愁大手不如燕  
多見公侯勝昔年  
計拙欲求千  
戶守心勞政類十洲仙  
幾回見月思歸去  
暫到臨  
風復惘然  
剪盡綠楊三萬樹  
多應無處着啼鵲

雨後過王長史

近佐三公府  
想得深懷似故山  
風急游絲當  
院靜雨餘芳草  
閉門閒未離塵土  
長思蛻已近江  
湖  
不論還自爾  
相看慰岑寂  
不聞朝署有新班

七言絕句

贈卓秀才還澧州

不說從師學道難  
一身千里暮雲端  
是行若拜庭

闌罷有使題詩祇寄蘭

發湖口

已過匡廬却向西片帆猶逐暮雲迷路長正是思  
親節取次驚猿莫浪啼

十月白牡丹郢中孫氏家植也

霜檻枝頭結素雲分明便有繡成裯紫皇為愛春  
風早特向瑤臺折贈君

八駿圖

天上房星照九垓翻：西域畫龍媒崑崙一去無  
消息空見人間八駿來

以瓊扇一握奉致黃明府

拾得炎州月一團殷勤持贈比琅玕情知已是秋  
風後留作明年九夏寒

詠鹿

可富終然不稱家呦：如怨復如嗟何如送汝歸  
山去許令臺前卧落花

午憩村落竹溪上

竹連流水，緣村上有青山蔭。芋園此處不容居。  
士住短牆，午暑特侵門。

日晏

昨日相期早出村，今朝日晏未開門。可人一夜東  
風雨，綠徧天街舊草痕。

四月三日蚤作訪夏編脩

曉穿甲仗抵晴沙，橋角垂楊亂映花。春色于人元  
不薄，將詩勾引到君家。

答贈晚春

懶向佳人說翠微，長安陌上見春暉。誰家門巷花  
狼藉，吹作漫天白雪飛。

初六日在院中僚友無人至

乘輿聞喜達皇都，自此玉堂宣鎖無間殺。幕中揮  
翰手日長，獨坐數花須。

因杜右父編脩贈痔醫

舐痔曾聞獲乘車王卿妙藝復何如  
祗因杜老波瀾筆絕似齊人治驗書

贈黃道士別

二十四岩烟霧幽輕舟橫笛戲清流  
萬人舉手風塵下恠殺仙人學遠游

隣鐙

星：遠映孤村外炯：微穿落木間  
知有隣姬思遠道績麻應待夜深還

戲題二牛

燕山丈人年九十戲筆掃此隻犁牛  
江南夜半春雨作老農驚起為君愁

見觀西人家石榴

石榴始華寔已紅橘柚照日青玲瓏  
自來南州感風物賴得隣人生意同

十月十一夜東署聞鴈

久別雲林舊草亭南江都邑歲彫零  
可憐此夜長



空鴈正在青松樹底聽

詰朝進書西宮問盧九脩撰借馬戲奉絕

句

作書太史具有喜徒步拾遺方可憂明日待朝天

上

贈我紫驂騶

高齋

俗客過門應有數祗言渾似野人家少齋高接萬  
林杪坐見城南城北花

候孔校書

承聞舟楫河干久別深思再見難已具一尊林  
下酌好求共慰百華寒

悼節

百華高下攤晴天竹屋方林興悄然忽憶逝人泉  
下冷學燒楮火作新烟

江東晚泊

雲間列岫映朱樓江水東來打石頭不是行人惜

光景人心舊有帝王州

北山谷中老父

無多林屋冠青山長子成孫鬢未斑問我鄉原何  
處是半生江海未知還

題萬竹秋聲

山人愛竹手自種萬箇直臨江水邊長吟浪被秋  
風覺散作宮商聲滿天

封州作

魏闕迢：隔綵霞別來幾歲客天涯春風二月崖  
州道時見棠梨一樹花

渡端州峽

權郎得便泝清流忽報舟前曉霧收蠻語酬人翻  
是苦好山不敢問何州

正月二十四日至寶圭驛是北流縣自此

遵陸指鬱林矣

遠辭京闕碧雲端泝盡夷江未到官門鴈峰南更

千里是行誰為報平安

謁海神廟

南州未識冀州蘋  
初向沙頭問水神  
料得行藏無用卜  
乘桴人是北來人

德樟樹鎮便寄家書

商船夜說指江西  
欲脫音書未忍題  
收拾鄉心都在紙  
兩聲杜宇傍人啼

臨高阻雨

恐傾南海成秋雨  
急喚西風作晚涼  
淨掃黎山須見骨  
莫令楚客屢回腸

檳榔寨

秋入黎山風雨多  
長江不定駐驚波  
翠榕葉底聞鸚鵡  
自此無如客思何

定安縣

鳴上晴雲滅復生  
誰家吹笛海天明  
縣堂曉起西風急  
半是深黎夜雨聲

至富也

承恩千里出江鄉  
轉歷三關道路長  
黃葉霧開山  
市集見人鳧  
鴈憶橫塘

西樓

童子出春親  
掩關春來芳  
樹伴人間  
別家五月不  
得信  
獨上西樓  
思遠山

游南臺閩粵王廟

海角釣龍人  
杳々雲間待  
鴈路迢々若為借得山

頭石每到高秋  
坐着潮

元夕

危樓向暮倚層空  
故歲今年不得同  
記取合沙元  
夕節  
滿街簫鼓雨  
兼風

南澗志見

繁桃只稱倚紅扉  
蠟酒吹香看舞衣  
樓底誰家吹  
玉笛  
一隻白鷺上雲飛

建安館夜坐聽流水

平生慕愛武夷君及此名山阻白雲  
九曲水聲流過郡夜深猶得世人聞

路傍樹

路傍古木是誰栽更有山棠次第開  
東海神仙求不得何因百歲客重來

聞筇

何處聞筇最是悲京門獨立晚晴時  
鸛庚一去荒郊遠借問春光有底遲

夜誦賦瓶花

膽瓶折得樹頭花初是東園一片霞  
西澗讀書過夜漏忽隨鐙影上窓紗

山僧養犬

不見岩扉淨業君山僧養犬謾成羣  
人知自此來看少祗向山中吠白雲

聞東隣歌

促指繁歌沸不停月高絃語轉明星  
莫令知有西

隣客獨坐挑燈課六經

贈聊城施主

京國相逢意若何  
向人平蹶路人哥  
臯陶此去為廷尉  
似子寧疑一椽多

種樹

種樹江頭不記春  
年來年去祇傷神  
今朝忽向江頭見  
稍有清陰庇路人

溝上

御溝新綠動朱闌  
溝上垂楊盡可觀  
唯有西山九

千仞朝：闕角晴寒

卧病

朝來忽見樹藏霞  
碧草春邊送路斜  
佳客不來春雨盡  
山禽啄徧小桃花

清明日留西山

離家六度見清明  
知是何時出帝京  
今日登臨倍惆悵  
好山多似豫章城

西谷訪人不遇

出郭幽人晚未歸  
青天咫尺見何稀  
一年祇有春晴好  
多是楊花學雪花

題閨人望遠圖

郎行不用若悲辛  
久別心知萬事親  
看取江邊垂柳樹  
最先零落最多春

楊花

穿空透戶本無因  
若便隨風惱殺人  
我似楊花：似我年々飛盡玉堂人

戲題張平章所贈洪生書後

一翁二季響皇都  
未必遭逢事太殊  
祇惜翰林歐學士  
當時書讓蔡君謨

贈水鑑道人寫真

鑑盡公卿寫盡真  
此心澄徹故通神  
世間未用論滄海  
何日河流照得人

送薩僉憲至岩頭渡

石頭渡口風烟古  
洗盃開尊對淺沙  
却喚掾曹無覓處  
移船坐寺看黃花

戲題奉寄行營董僉事

五月沙山鐵騎羅  
將軍無那太平何  
帳前養得堂人鹿  
祇愛行營芳草多

題松雪圖

傍不人識歲寒松  
憐殺深山大雪封  
待得化為東海水  
青天白日睡蒼龍

桃花原是漸嶺對江

雪晴尋路入華原  
絕愛清江抱遠村  
行處祇貪坐樹好不疑  
山谷易黃昏



范文白公詩集續選卷之三

叙范先生詩集後

逵曰范先生詩評者多矣詩家一指二十四品評先生得其八曰洗鍊新奇委曲實境悲慨形容超詣飄逸虞伯生評曰如唐臨晉帖揭曼碩評曰如秋空行雲晴雷捲雨縱橫變化出入無朕又如空山道者辟穀學仙瘦骨稜層神氣自若又如饑鷹掠野孤鶴叫群四顧無人一碧萬里此其詩評也乃若草廬先生以東漢諸君子例之則評其人云

達嘗即東漢諸君子方之而妄為之評曰先生之行  
如范武詩如張衡大過之象曰君子以獨立不懼  
夫獨立不懼者守之過乎人也先生當大過之時  
而猶介超卓天正固窮隱於賣卜以自給竝有東  
漢諸君子之守所謂獨立者歟其與金溪危素善  
未終前兩月疾已劇尪羸骨立猶走數百里外哭  
素訣此母因與素與范武友張邵事何異迺若先生之詩出  
於憂時發憤之所為作者可擬四愁詩而忠厚惻  
怛尤過於衡至其憫文繡局取良家子為閨工作  
歌而契革非如衡之詩不得通於時君比其殆溫  
柔敦厚之效目虞揭吳危諸公以來卒無知之  
者何也沈珩 佩幽而彌光荃蕙蔽匿久而益芳  
遠里中且也特晚因循汨沒歲月捐擲外望宮  
墻為益慚焉清江後學熊達識嘉靖壬戌孟冬朔

圖書

藏書

景雲

